

Nacrt

DOZVOLA ZA RAD - LICENCA

ZA OBAVLJANJE ELEKTROPRIVREDNE DJELATNOSTI SNABDIJEVANJA ELEKTRIČNOM ENERGIJOM DRUGOG REDA

NAZIV PRIVREDNOG DRUŠTVA:

Alpiq Energija BH d. o. o.

SJEDIŠTE PRIVREDNOG DRUŠTVA:

Dalmatinska 6/1, 71000 Sarajevo

IDENTIFIKACIJSKI BROJ DRUŠTVA: **201305980005**

REGISTARSKI BROJ DOZVOLE: **06-03-1605/27/09**

PERIOD VAŽENJA DOZVOLE: **do 27.01.2011. godine**

DATUM: . godine

Zdenko Šimunović,
Predsjednik FERK-a

Đulizara Hadžimustafić,
Član FERK-a

Risto Mandrapa,
Član FERK-a

USLOVI DOZVOLE

1. OPŠTE ODREDBE

- 1.1. Regulatorna komisija za električnu energiju u Federaciji Bosne i Hercegovine (FERK) izdaje dozvolu za obavljanje elektroprivredne djelatnosti snabdijevanja električnom energijom drugog reda privrednom društvu Alpiq Energija BH d.o.o. (u daljem tekstu: imalac dozvole) u skladu sa Pravilnikom za izdavanje dozvola-licenci (Službene novine Federacije BiH, broj 29/05), a na osnovu zahtjeva podnesenog 28.12.2009. godine.
- 1.2. Sjedište imaoca dozvole: Dalmatinska 6/1, 71000 Sarajevo
Telefon: 033 260 135, Faks 033 260 136
Lice ovlašteno za zastupanje je direktor.
- 1.3. Telefon broj: 033 260 135, Faks broj: 033 260 136
Elektronska adresa: ermina.arnautovic@alpiq.com
- 1.4. Dozvola za rad – licenca stupa na snagu danom donošenja i važi do **27.01.2011**. godine.

2. DEFINICIJE

Riječi i izrazi u ovoj dozvoli imaju značenje koje im je dato Zakonom o električnoj energiji Federacije BiH (Službene novine Federacije BiH, broj 41/02, 24/05 i 61/09), kao i pravilima i propisima FERK-a.

3. OBAVLJANJE LICENCIRANE DJELATNOSTI

- 3.1. Imalac dozvole ovlašten je obavljati djelatnost snabdijevanja električnom energijom drugog reda (trgovina, posredovanje i zastupanje na tržištu električne energije) na svim naponskimnivoima.
- 3.2. Imalac dozvole ima pravo obavljati djelatnosti snabdijevanja električnom energijom drugog reda na teritoriji Bosne i Hercegovine.
- 3.3. Ukoliko imalac dozvole uvozi ili izvozi električnu energiju, obavezan je dobiti dozvolu za međunarodnu trgovinu koju izdaje DERK.

4. OBAVEZE IMAOCA DOZVOLE

4.1. Zakoni, propisi, tehnički standardi i odobrene tarife

- 4.1.1. Imalac dozvole dužan je pridržavati se svih važećih zakona, podzakonskih akata, tehničkih propisa, pravilnika i standarda, te pravila i propisa FERK-a i DERK-a, kao i uslova ove dozvole, direktiva EU i međunarodnih ugovora koje je prihvatila BiH.
- 4.1.2. Imalac dozvole dužan je poštovati važeće tarife koje utvrđuju FERK i DERK, a koje su primjenjive za njegove transakcije.

4.2. Pristup mreži

Imalac dozvole ili njegov kupac (kako se dogovore) dužan je zaključiti ugovor o korištenju distributivne, odnosno prenosne mreže, u cilju osiguranja prava korištenja njihovih kapaciteta.

4.3. Urednost snabdijevanja

Imalac dozvole obavezan je uredno snabdijevati električnom energijom svoje kupce u skladu sa ugovorom o kupoprodaji.

4.4. Pružanje informacija za DERK, FERK, NOS BiH i RERS

- 4.4.1. Imalac dozvole dužan je dostaviti sve tražene informacije o planiranim nabavkama i tranzitu električne energije nadležnom Operatoru distributivnog sistema, NOS-u BiH, FERK-u, DERK-u i RERS-u, a posebno podatke vezane za uvoz i izvoz električne energije. Kopiju izvještaja i podataka koje imalac dozvole dostavlja drugim sudionicima u elektroenergetskom sektoru, dužan je dostaviti FERK-u.
- 4.4.2. Imalac dozvole dužan je poštovati dozvolu za međunarodnu trgovinu, ukoliko je izdata od DERK-a, trajno ispunjavati zadane uslove i obavještavati FERK o svim promjenama navedene dozvole.

4.5. Kvalitet električne energije

- 4.5.1. Imalac dozvole prilikom ugovaranja nabavke električne energije mora ugovarati električnu energiju koja odgovara zahtjevima kvaliteta definisanim važećim standardima.
- 4.5.2. Imalac dozvole dužan je obavljati licenciranu djelatnost u skladu sa opšteprihvaćenom domaćom i međunarodnom praksom.
- 4.5.3. Imalac dozvole dužan je osigurati kupcima isporuku električne energije standardne kvalitete.

4.6. Obim kupovine/prodaje električne energije

- 4.6.1. Imalac dozvole obavezan je dostaviti FERK-u procjenu obima kupovine i prodaje električne energije za kvalifikovane kupce sa godišnjom potrošnjom iznad 10 GWh do 1. jula tekuće godine za narednu godinu, a za sve ostale kupce do 30. septembra tekuće za narednu godinu.
- 4.6.2. Imalac dozvole ne smije unutar Bosne i Hercegovine nabavljati električnu energiju od pravnih subjekata koji ne posjeduju dozvolu za obavljanje elektroprivredne djelatnosti.

4.7. Broj i popis kupaca po naponskim nivoima

Imalac dozvole dužan je, svake godine, 31. januara dostavljati FERK-u pregled nabavljene i prodane električne energije po naponskim nivoima sa pojedinačnim popisima kvalifikovanih kupaca i njihovom potrošnjom električne energije u prethodnoj godini.

4.8. Mjerenje

Imalac dozvole dužan je, odgovarajućim ugovorima sa distributerima i ugovorima sa Elektroprenosom a.d. Banja Luka i NOS-om BiH, osigurati tačnost podataka o sveukupno nabavljenoj, odnosno prodatoj, električnoj energiji, potrebnima za izradu faktura.

4.9. Fakturisanje

Imalac dozvole fakturisanja isporučene električne energije vrši u skladu sa kupoprodajnim ugovorima između imaoca dozvola i kupaca.

4.10. Obaveza uspostave ureda

Imalac dozvole dužan je, u svom poslovnom sjedištu, osigurati poslovne prostorije, kao i biti tehnički opremljen za obavljanje djelatnosti snabdijevanja

električnom energijom drugog reda. Poslovno sjedište, brojevi telefona i faksa će biti navedeni na poslovnom pismu društva.

4.11. Tržišna pravila

- 4.11.1. Imalac dozvole obavezan je poštovati i primjenjivati Tržišna pravila.
- 4.11.2. Imalac dozvole je dužan urediti svoje odnose sa drugim sudionicima na tržištu električne energije u skladu sa propisanim pravilima.
- 4.11.3. Imalac dozvole dužan je odnositi se prema kupcima na fer i nediskriminirajući način.
- 4.11.4. Imalac dozvole nije dopušteno provoditi bilo kakve protukonkurentske aktivnosti, zloupotrebljavati tržišnu moć ili vršiti manipulaciju tržištem električne energije, u skladu sa Zakonom o konkurenciji (Službeni glasnik BiH, broj 48/05, 76/07 i 80/09).
- 4.11.5. Imalac dozvole dužan je poštovati zakonske propise iz oblasti snabdijevanja električnom energijom, pratiti propise i norme, kao i komercijalna i druga pravila koja se odnose na snabdijevanje električnom energijom i uskladiti poslovanje sa eventualnim promjenama istih.
- 4.11.6. Imalac dozvole dužan registrovati se kod balansno odgovorne strane i urediti odnose sa ostalim članovima balansne grupe, u skladu sa Tržišnim pravilima.

4.12. Izvještavanje

- 4.12.1. Imatelj dozvole dužan je na godišnjem nivou dostavljati FERK-u planove preuzimanja i isporuke električne energije sa naponskim nivoima i nazivima kupaca i snabdjevača, kao i izvještaj o realizaciji planova.
- 4.12.2. Imalac dozvole dužan je FERK-u dostaviti sve finansijske izvještaje i izvještaje o zaključenim ugovorima o snabdijevanju električnom energijom drugog reda na teritoriji Bosne i Hercegovine, odmah po zaključenju istih.
- 4.12.3. Dostavljeni izvještaji, trebaju sadržavati podatke i informacije o cijenama i količinama ugovorene električne energije, bilo da se radi o kupovini od proizvođača ili drugih snabdjevača drugog reda ili prodaji drugimsnabdjevačima, odnosno kupcima električne energije.
- 4.12.4. Sve navedene podatke i izvještaje imalac dozvole dužan je dostaviti u rokovima koje mu utvrdi FERK, u pisanom obliku, potpisane i ovjerene, te u elektroničkom obliku, CD-u.

5. RAČUNOVODSTVENE AKTIVNOSTI

Imalac dozvole dužan je voditi poslovne knjige i raditi finansijske izvještaje za elektroprivrednu djelatnost snabdijevanja električnom energijom drugog reda, odvojeno od ostalih djelatnosti ukoliko se njima bavi, u skladu sa Zakonom o električnoj energiji, propisima o međunarodnim računovodstvenim standardima i međunarodnim standardima finansijskog izvještavanja.

6. FINANSIJSKI INTEGRITET I STABILNOST IMAOCA DOZVOLE

Imalac dozvole dužan je osigurati dovoljna finansijska sredstva ili finansijska jamstva, kao potvrdu svoje solventnosti i likvidnosti, u onom odnosu koji osigurava neprekidno obavljanje djelatnosti snabdijevanja električnom energijom drugog reda.

7. KVALIFIKACIJSKA STRUKTURA ZAPOSLENIKA IMAOCA DOZVOLE

Imalac dozvole obavezan je zapošljavati osoblje prema broju i kvalifikacijskoj strukturi neophodnoj za nesmetano, sigurno i kvalitetno poslovanje imaoca dozvole.

8. NAPUŠTANJE ILI IZMJENA AKTIVNOSTI

- 8.1. Imalac dozvole obavezan je obavljati djelatnosti navedene u dozvoli. Ukoliko tokom obavljanja djelatnosti nastupe okolnosti zbog kojih imalac dozvole opravdano ne može obavljati djelatnosti navedene u dozvoli, dužan je o tome, bez odlaganja, obavijestiti FERK.
- 8.2. Imalac dozvole ne može bez prethodnog odobrenja FERK-a napustiti ili izmijeniti djelatnost snabdijevanja električnom energijom drugog reda.

9. NADGLEDANJE

- 9.1. U okviru svojih nadležnosti FERK vrši nadgledanje ispunjenja uslova iz ove dozvole.
- 9.2. U cilju nadgledanja ispunjenja uslova iz ove dozvole, imalac dozvole je obavezan dostavljati podatke u skladu sa tačkom 4.12. i druge dokumente, podatke i informacije na zahtjev FERK-a, koje su FERK-u potrebne u svrhu primjene Zakona o električnoj energiji u FBiH, kako bi FERK-u omogućio izvršavanje njegovih nadležnosti u skladu sa zakonom i pravilima i propisima FERK-a.
- 9.3. Imalac dozvole je obavezan obavijestiti FERK o svakoj povredi uslova dozvole u roku od 10 dana od saznanja da je došlo do povreda.
- 9.4. Ovlašteni zaposlenici FERK-a imaju pravo obavljati redovno i vanredno nadgledanje u prostorijama imaoca dozvole, kako bi izvršio uvid u obavljanje elektroprivredne djelatnosti po obavezama datim u dozvoli.
- 9.5. Imalac dozvole je obavezan sarađivati sa FERK-om tokom pripreme i prilikom obavljanja nadgledanja.

10. IZMJENA, DOPUNA, OBNAVLJANJE, PRENOS I ODUZIMANJE

- 10.1. Imalac dozvole dužan je, 180 dana prije isteka ove dozvole, podnijeti zahtjev za obnavljanje dozvole za djelatnost snabijevanja električnom energijom drugog reda.
- 10.2. Tokom perioda važenja dozvole, a na zahtjev imaoca dozvole ili na inicijativu FERK-a moguće je otvoriti proces izmjena, dopuna, prenosa ili oduzimanja dozvole u skladu sa članovima 42, 43. i 44. Pravilnika za izdavanje dozvola-licenci FERK-a.

11. SANKCIJE

Ukoliko FERK zaključi kako imalac dozvole nije ispoštovao ili krši uslove dozvole, preduzima sljedeće aktivnosti:

- a) opominje imaoca dozvole o evidentiranim nepravilnostima,
- b) podnosi prekršajni nalog,
- c) pokreće postupak oduzimanja dozvole.

12. RJEŠAVANJE SPOROVA

- 12.1. Imalac dozvole dužan je redovno obavještavati FERK o sporovima koji se vode pred nadležnim sudovima vezano za snabdijevanje električnom energijom drugog reda.
- 12.2. Imalac dozvole dužan je saradivati sa FERK-om u rješavanju sporova koje treće strane povedu pred FERK-om protiv imaoca dozvole, a u vezi sa djelatnošću imaoca dozvole.

13. UGOVORI

- 13.1. Imalac dozvole je, na zahtjev FERK-a, dužan dostaviti informacije o zaključenim ugovorima, kao i o svim izmjenama ili produženjima ugovora. FERK ima pravo tražiti da mu imalac dozvole dostavi i kopije svih zaključenih ugovora.
- 13.2. Imalac dozvole je dužan zaključiti ugovore o korištenju distributivne mreže i ugovore o korištenju prenosne mreže u svrhu trgovačkih transakcija i snabdijevanja kvalifikovanih kupaca električnom energijom.
- 13.3. Imalac dozvole dužan je zaključiti ugovore u skladu sa odredbama Mrežnog kodeksa, Tržišnih pravila i Opštih uslova za isporuku električne energije uključujući: ugovor o snabdijevanju i ugovor o odgovornosti za balans s BOS-om.
- 13.4. Imalac dozvole dužan je po zaključenju ugovora, odnosno njegovog produženja ili nakon promjene istog, dostaviti potrebne nekomercijalne elemente ugovora o snabdijevanju, prenosnoj kompaniji, NOS-u BiH i/ili ODS-u i BOS-u.

14. KOMUNIKACIJA

- 14.1. Korespondencija između imaoca dozvole i FERK-a obavlja se u pisanom obliku.

- 14.2. Imalac dozvole dužan je dostavljati dokumentaciju i informacije FERK-u u originalu ili u ovjerenoj kopiji, ne starijoj od 60 dana.
- 14.3. Dokumentacija i informacije mogu biti dostavljene i telefaksom ili elektronički, pod uslovom da original ili ovjerena kopija budu dostavljeni lično ili poštom na adresu FERK-a, najkasnije u roku od osam dana od dana dostave telefaksom ili elektronski.
- 14.4. Imalac dozvole je dužan obavještavati FERK o svim važnim izmjenama u pravnom okviru, sudskim odlukama, događanjima ili ugovorima koji imaju uticaja na djelatnost snabdijevanja električnom energijom drugog reda.
- 14.5. Sve informacije koje imalac dozvole dostavlja FERK-u moraju biti potpisane i ovjerene od ovlaštenog lica, koje svojim potpisom potvrđuje tačnost i istinitost dostavljene informacije.

15. TAJNOST PODATAKA

- 15.1. Za informaciju koju pred FERK-om traži zaštitu povjerljivosti, imalac dozvole je obavezan pravodobno podnijeti zahtjev za zaštitu povjerljive informacije, u suprotnom dostavljena informacija će se smatrati javnom.
- 15.2. FERK procjenjuje i donosi odluku o povjerljivosti podataka za koje je tražena navedena zaštita u skladu sa Pravilnikom o javnim raspravama i rješavanju žalbi FERK-a i Pravilniku o zaštiti povjerljivih informacija.

16. REGULATORNA NAKNADA

- 16.1. Imalac dozvole dužan je plaćati regulatornu naknadu za obavljanje djelatnosti snabdijevanja električnom energijom drugog reda u iznosu koji utvrdi FERK posebnom odlukom.
- 16.2. Regulatorna naknada se plaća tromjesečno.